

KJKP "RAD" d.o.o. SARAJEVO
- v.d. Direktor -

Broj: 05-03-04-_____/20
Sarajevo, 14.09.2020. godine

Na osnovu člana 70. Zakona o javnim nabavkama BiH ("Službeni glasnik BiH", broj 39/14) i člana 47. Statuta KJKP "RAD" d.o.o. Sarajevo, v.d. direktor Mirsad Hošić donosi:

O D L U K U
o poništenju postupka za javne nabavke

I

Poništava se postupak za javnu nabavku grejdera.

O B R A Z L O Ž E N J E

KJKP "RAD" d.o.o. Sarajevo je dana 27.08.2020. godine na portalu javnih nabavki BiH objavio Obavještenje o nabavci kroz konkurentski postupak za izbor najpovoljnijeg ponuđača za javnu nabavku grejdera, sa rokom dostave ponuda 10.09.2020. godine.

Po otvorenom postupku sa međunarodnom objavom za izbor najpovoljnijeg ponuđača za javnu nabavku grejdera pristigla je 1 (jedna) ponuda i to ponuda firme:

- **Čelik promet d.o.o. Visoko**

Komisija za javnu nabavku je izvršila detaljan pregled, te je utvrdila sljedeće:

Ponuđač **Čelik promet d.o.o. Visoko** nije dostavio sljedeću dokumentaciju:

- Kopiju ponude, a što je bio dužan u skladu sa tačkom 15. Tenderske dokumentacije;
- Izvještaj Centralne banke o stanju transakcijskih računa, kopiju dokumenta u skladu sa tačkom 12. Tenderske dokumentacije;
- Ovjerenu kopiju saobraćajne dozvole ili rješenje o tehničko-eksplotacionim karakteristikama, a što je bio dužan učiniti u skladu sa tehničkim specifikacijama;
- Izjava za obezbjeđenje garancije za dobro izvršenje ugovora u vrijednosti 10% od iznosa ugovora tj. bankarska garancija ukoliko ponuđač bude odabran kao najpovoljniji, a što je bio dužan učiniti u skladu sa tačkom 12.2. Tenderske dokumentacije;
- Potvrde o uredno izvršenim ugovorima, koje je ponuđač dostavio su u suprotnosti sa tačkom 12.2. (c) Tenderske dokumentacije, jer iste ne dokazuju vezu sa predmetom nabavke: Iz naprijed navedenih razloga ova ponuda je ocjenjena kao **nepotpuna i neprihvatljiva**.

Obzirom da se radi o konkurentskom postupku javne nabavke i da nije dostavljena niti jedna prihvatljiva ponuda, Komisija za javne nabavke daje prijedlog Ugovornom organu da u skladu sa članom 69. stavom 2. tačka (d) Zakona o javnim nabavkama BiH, postupak predmetne javne nabavke **poništi**.

Smatram da je Komisija pravilno postupila kada je uzela u obzir gore navedene činjenice i kada je predložila da se predmetni postupak javne nabavke **poništi**. Iz tih razloga prihvatam prijedlog Komisije i donosim odluku kao u dispozitivu.

Pouka o pravnom lijeku: Protiv ove Odluke može se uložiti žalba Ugovornom organu, odnosno KJKP "RAD" d.o.o. Sarajevo, u pisanoj formi u roku od 5 (pet) dana od dana prijema ove Odluke.

**KJKP „RAD“ d.o.o. Sarajevo
v.d. Direktor**

Mirsad Hošić, dipl.ing.maš.

DOSTAVITI:

- Ponuđaču;
- A/a;